

**OSNOVNI SUD
U ZVORNIKU**

Na osnovu čl. 43. stav 2. tačka z) i člana 241. stav 1. i člana 358 stav 1. Zakona o krivičnom postupku RS, p o d i ž e m

**O P T U Ž N I C U
sa kaznenim nalogom**

Protiv:

T. H., rođen ... godine V., (...)

Što je:

dana 30.04.2022 godine oko 16,20 časova u mjestu Karakaj, grad Zvornik na raskrsnici tipa trokaka magistralnih puteva M1-115 Zvornik-Bijeljina i M1-110 Tuzla- Zvornik, upravljajući skupom vozila koji u činili TMV marke "MAN" reg. oznake ... sa priključnim vozilom marke "KOGEL", reg. oznake ..., olako držeći da do saobraćajne nesreće neće doći i da zabranjena posljedica neće nastupiti, krećući se magistralnim putem Tuzla-Zvornik, u fazi uključivanja lijevim skretanjem sa kolovoza magistralnog puta Tuzla-Zvornik na kolovoz magistralnog puta Zvornik- Bijeljina sa namjerom kretanja desnom saobraćajnom trakom puta u smjeru prema Bijeljini, postupajući suprotno članu 49 stav 4. Zakona o osnovama bezbjednosti saobraćaja na putevima u Bosni i Hercegovini („Službeni glasnik BiH“ br. 6/06, 75/06, 44/07, 84/09, 48/10, 18/13 i 8/17), kojim je propisano da vozač koji ulazi vozilom na put koji je saobraćajnim znakom označen kao put sa prvenstvom prolaza, dužan je propustiti sva vozila koja se kreću tim putem, nije zaustavio skup vozila na punoj poprečnoj zaustavnoj liniji kojom je magistralni put Zvornik –Bijeljina označen kao put sa pravom prvenstva prolaza u odnosu na magistralni put Tuzla-Zvornik, kako bi propustio vozila koja se kreću putem sa prvenstvom prolaza, započeo radnju skretanja ulijevo u pravcu Bijeljine u momentu kada se magistralnim putem M1-115 iz pravca Bijeljine u pravcu Zvornika kretao motocikl marke "Yamaha" reg. oznake ... kojim je upravljao D. L. i imao prvenstvo prolaza, kojom prilikom je na desnoj saobraćajnoj traci magistralnog puta Bijeljina-Zvornik gledano u smjeru prema Zvorniku, došlo do primarnog kontakta između prednje čeonice strane motocikla marke „Yamaha“ i lijevog točka srednje osovine poluprikolice, pa je usljed ovakve nepropisne vožnje vozač D. L. zadobio teške tjelesne povrede u vidu preloma štitatog nastavka desne palčane kosti

dakle, iz nehata kao učesnik u saobraćaju na putevima usljed nepridržavanja saobraćajnih propisa ugrozio javni saobraćaj da je doveo u opasnost život ljudi, usljed čega je kod jednog lica nastupila teška tjelesna povreda,

čime je, počinio krivično djelo –Ugrožavanje javnog saobraćaja- iz člana 402. stav 3. u vezi sa stavom 1. Krivičnog zakonika Republike Srpske

[...]

OKRUŽNI JAVNI TUŽILAC

Napomena:

„Ovom objavom ne prejudicira se ishod krivičnog postupka i ne narušava princip presumpcije nevinosti. Svako se smatra nevinim dok se pravosnažnom presudom ne utvrdi njegova krivica.“